


- ۰۰۴ مقدمه اهل سنتك مذهبي
۰۰۷ باب اول رسول اكرم صلى الله تعالى عليه وسلمك نسب اطهرى الى اخره
۰۰۸ رسول اكرم حضرتك بعض اجدادى آدم عليه السلام
۰۱۸ شيت عليه السلام
۰۱۸ ادر بس عليه السلام
۰۲۰ نوح عليه السلام
۰۲۴ ابراهيم عليه السلام
۰۳۳ اسمعيل عليه السلام واولاد اسمعيل عليه السلام
۰۳۷ حضرت يغمبرك اعمام وعماى
۰۳۷ اول حضرتك اسماء والقابى وكنيتلى
۰۴۰ آب زمزمك پيدا اولديغى
۰۴۱ بيت مكرمك بنا اولنديغى
۰۴۴ چاه زمزمك نابود اولوب بعده عبد المطلبك حفرى
۰۴۶ عبد اللهك ذبحدن خلاصى وآمنه به تزويجى
۰۴۹ اول حضرتك حلى زماننده ظهوره كلان علامات
۰۵۱ ايكنجى باب اول حضرتك تاريخ ولادتى وطوغديغى وقتده ظهوره كلان بعض غرائب وحال حياتنده واقع اولان احوال ووفى ان اولنور
۰۵۳ اول حضرتك حين ولادتنده ظهوره كلان غرائب ن برشمه بياننده در
۰۵۶ اول حضرتك ولادتى كيجه سنده واقع اولان بعض حوادثك بيانى
۰۵۷ قصه سطح كا هن
۰۵۹ اول حضرتى ثويبه ك وحليبه سعديه ك ارضاعى وشق صدرك بيانى
۰۶۷ اول حضرتك ولادتندن التنجى سنه ك ونجى سنه ك وقايعى
۰۶۸ اول حضرتك ولادتندن سكرنجى ييلدن اون اوچنجى سنه به دك ظهوره كلان وقايع
۰۶۹ اول حضرتك ولادتندن اون اوچنجى ييلدن بكرمنجى سنه به دك ظهوره كلان وقايع وبصرى شام جانبده اولان سفرى وبجرا راهب قصه سى
- ۰۷۱ اول حضرتك بكرمنجى سنه دن بكرمى بشنجى سنه به دك ظهوره كلان وقايعى
۰۷۲ اول حضرتك ولادتندن بكرمى بشنجى سنه ده واقع اولان امورى ونسطورا راهب قصه سى وتزوج خديجه رضى الله تعالى عنها
۰۷۵ اول حضرتك ولادتندن اونوز بشنجى ييلدن تا ظهور نبوتك واقع اولان امورى وبيت مكرمك منهدم اولوب قريشك بنا ابتداكلى
۰۷۷ قرقنجى سنه به دك ظهور ايدن وقايع وابتداء نزول وحى وقرآن دن اول نازل اولان بيان اولنور
۸۱ نزول وحك كيفيتى واول حضرتك خلقى ايمانه دعوتى واول ايمانه كلنلرك بيانى
۰۸۲ ابو بكر صديقك دلائيله مسلمان اولان ججاعت سابقين بيان اولنور
۰۸۲ شياطينك آسماندى ممنوع اولدقلى
۰۸۳ اول حضرتك خلقى ايمانه دعوتى آشكاره ابتدايكى بيان اولنور
۰۸۳ مكه مشركلىرى ك اول حضرتك وبارانده ابتداكلى ايدنا واضرارلى
۰۸۷ نبوت دن بشنجى سالده واقع اولان امور واصحابك حبشه ولايتنه هجرتلى وانلرك رجال ونسادن عددلى
۰۹۰ نبوت دن التنجى ييلاك وقايعى و حضرت جزينك و حضرت عمر ك اسلامه كالدكلى
۰۹۳ نبوتك سكرنجى ييلدن اوننجى ييلنه دك اولان وقايع وقريشك اول حضرت خصوصنده معاهده ايدوب بنى هاشمك قريشدن ايرلدقلى
۰۹۷ نبوت دن اوننجى ييلاك وقايعى وخديجه ك و ابى طالبك موتى واول حضرتك طائف وثقيف قبيله لىنى اسلامه دعوتى ولبلة الجن وعائشه بى وسوده بى تزوج بيوردىغى
۱۰۴ نبوت دن اون برنجى ييلاك وقايعى وابتداء اسلام انصار بيان اولنور
۱۰۴ نبوت دن اون ايكنجى ييلاك وقايعى وقصه معراج و صلوات خمس فرض اولنديغى وبيعة العقبة الاولى
۱۱۶ قصه معراج متعلق فوائد بيان اولنور

۱۲۱ نبردن اون اوچنجی ییلاک وقایعی و بیعت
 عقبه ثانیه و مدینه به ابتدا هجرت ایدن
 اصحاب رسول بیان اولور
 ۱۲۳ ابو بکر صدیق حبشه جاننده هجرت
 ایدوب کند یکی
 ۱۲۴ اصحاب رسولک مدینه جاننده هجرتلری
 و قریشک اول حضرت ایچون دار
 الندوه ده مشاوره لری و اول حضرتک
 مدینه به هجرتله مأمور اولدیغی
 ۱۲۸ اول حضرتک غاردن چیقوب مدینه به
 توجه پیوردیغی و یوللر ده ظا هر اولان
 امور و احوالک بیانی
 ۱۳۲ اول حضرتک مدینه به ایریشوب اول
 دیار اهل بسنک اول سروره استقباله
 چقد قلمری
 ۱۳۳ هجرتک ابتدا سنه سنده ظهور ایدن وقایع
 و معجزاتک بیانی و اذاتک مشروعی
 ۱۴۰ هجرتن اینکنجی سنه نک وقایعی
 ۱۴۵ وقوع غزوه بواط و ذو العشره
 ۱۴۷ غزوه بدر کبری
 ۱۶۲ غزوه بنی قینقاع
 ۱۶۲ هجرتن اوچنجی سنه نک وقایعی بیان
 اولور غزوه سریه قرده
 ۱۶۹ غزوه احد
 ۱۹۲ هجرتن دردنجی ییلاک وقایعی
 ۱۹۲ غزوه بدر موعود
 ۲۰۱ هجرتن بشنجی سالک وقایعی
 ۲۱۱ غزوه خندق
 ۲۲۳ غزوه بنی قریظه
 ۲۲۸ هجرتن النبی ییلاک وقایعی
 و حدیبیه وقعه سی
 ۲۴۵ اول حضرتک ملوک اطرافه نامه لر
 و رسوللر ارسان پیوردیغی
 ۲۵۶ هجرتن یدنجی سنه نک وقایعی و خیر
 غزوه سنک وقوعی
 ۲۷۳ عمره القضاء واقعه سی
 ۲۷۷ هجرتن سکرنجی سنه نک وقایعی
 ۲۸۶ فتح مکه مکرمه
 ۳۱۶ غزوه حنین

۳۲۸ هجرتن طقوزنجی سنه نک وقایعی
 ۳۳۷ غزوه تبوک
 ۳۴۹ واقعه مسجد ضرار
 ۳۵۰ حکایه کعب بن مالک
 ۳۶۳ ابو بکر صدیق امیر حج اولدیغی
 ۳۶۴ هجرتن اوننجی سنه نک وقایعی
 ۳۷۱ حجه الوداع
 ۳۷۹ هجرتن اون برنجی سنه نک وقایعی و اول
 حضرتک مرض موتی و دار بقایه
 تشریفلری و بوکا متعلق افورک بیانی
 ۴۰۶ خاتمه باب ثانی صلواتک معنا سی و صلواته
 ترغیب و انک کیفیتی و صلواتک صیغه لرینک
 افضل و فضائلی بیاننده در
 ۴۰۹ باب ثالث اول حضرتک سیر و احوالک
 ثنات و مکملاتی فصل اول اول حضرتک
 عدد ازواج و سرارینک شرح
 حاللری بیاننده در
 ۴۳۱ اینکنجی فصل اول حضرتک
 اولادی بیاننده در
 ۴۳۸ اوچنجی فصل اول سرورک فضائلی
 و تعداد معجزاتی بیان ایدر
 ۴۶۰ فصل رابع سید عالمک اوصافی
 و فضائلی بیاننده در
 ۴۶۶ بشنجی فصل اول سرورک عبادتی
 بیاننده در
 ۴۷۷ النبی فصل سید السادات انجی
 بیاننده در
 ۴۹۹ یدنجی فصل اول حضرتک مخصوصاتی
 بیاننده در
 ۵۰۵ سکرنجی فصل اول سرورک
 خادملری و موالبسی و مرضعلری
 و عاملاری و کاتبلری و رسوللری
 و مؤذنلری و شعراء و حارسلری
 و امتعه و اسلحه و اثاث بیت و مراکب
 و دوابی و انلره متعلق نسنه لر
 بیاننده در
 ۵۱۲ مناحات مؤلف کتاب
 علیه رجه التواب

مفتیساوی
بیکلی زاده مرحوم
ترجمه سنه موفق اولدقلری
روضه الاحباب نام
ناریح اطیفک جلد
اولدر



روضة الاحباب *

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلوة والسلام على خير خلقه محمد وآله وصحبه اجمعين (اما بعد)
 سير مستقیم اصحابك نظر انور لرینه مخفی و پوشیده دكلدر كه انسانك تحصیلده عمر كرامت به صرف
 ایلدبكي اشباتك بهتری علوم دینیه و معارف یقینیه در زیر اقرار رد كه علم سبب حیات قلوب
 و وسیله معرفت حضرت علام الغیوب و موجب رفع درجات و ثمر خیر و سعادت اندر
 نیکم بو آیت کریمه ده کلام ربانی و پیام سبحانی انك فضلندن خبر و بر (رفع الله الذین
 آمنوا منکم والذین اوتوا العلم درجات) و علوم مرتبه اهل علمه بوکا فیدر كه خداوند تعالی
 کندى وحدانیت اثبات ایچون اول خصوصه شهادتده انلری تالی ذات عالی صفاتی و ثانی
 ملائکه ملکوتی قلوب پیوردی (شهد الله انه لا اله الا هو والملائکه واولوا العلم قائما بالقسط)
 (قطعه) رتبت عالی اهل علم نکه کن که ایزد بکاشان نشاند * چو خوان شهادت بوحدت
 کشید * بجنب ملک شان بر خویش خواند * و زبان معجز بیان محمدی علیه افضل الصلوات
 و اکل التحیات کاه (العلماء ورثة الانبياء) دیوب انلری نعمت وراثت انبیا ابله مدح و ثنا ایدردی و کاهی
 (علماء امتی کا نبیاء بنی اسرائیل) دیوانلری اول طائفه ناجیه به مشابیه فضلنی ابله وصف
 و اطرا پیوردی و شک بو قدر كه علم حدیث اشرف علوم دین و افضل قربات و طاعات رب
 العالمیندر * زیرا اول حضرتك سن سنیه سى و احادیث مرضیه سى ثانی ادله اسلام و مبین
 اکثر احکام و معیز حلال و حرام و مفسر کلام ملک علامدر (شعر) اذا ذكرت بحار العلم يوما *
 فبحر المصطفى لا غیر یجری * هو البحر المحيط و ماعده * فانهار صغار منه تجری * و اول سرورك
 سیرتک بملک و حیاة بیضه دین و رواة اخبار و آثار سید المرسلین اولان صحابه و تابعین و سلف صالحینك
 احوال لرینه واقف اولمق انواع علوم حدیثك اهننددر زیرا اول سرورك و اتباع و اصحابك
 سنت حسنه و طریقت مستحسنه لری اول علمدن ظاهر و روشن و مفصل و مبین اولور لاجرم اتباع
 سنت سنیه و اقتفای سیرت نبویه و اقتداء اصحاب کرام و احباب ذوی الاحترام مستتبع سادات منزلین
 و مستجلب سعادت داریندر (قل ان کنتم تحبون الله فاتبعونی یحبکم الله) آیت کریمه سى (ومن
 احبنی کان معی فی الجنة) خبر معتبری بو مدعا به دلیل واضح و بومبتغایه برهان لایحدر و بومعاده دخی
 شائبه اشتباه بو قدر كه بو عصرك قومی اول حضرتك و اصحابك سیر و احوال لرینه واقف اولمق

انجی ثقاة رواة وثبات ائمة اجله وسيله سبيله حاصل اولور پس هر مؤمنك حالته لایق وشانته موافق
اولان اولدر كه اول سرورك سیرتی علنی و عرفی اهل حدیثه اسماء رجال دیدكرنی كه معرفت
احوال صحابه وتابعین و رواة وانلردن نقل ایدن سلف صالحینك احوال و اطوار لرندن عبارتدر
محكم ضبط ایدوب عهده متابعتن شرطی ایله خروجه قادر اوله پس بومقد ماته بناء افضل
النتاخرین و اكمل المنور عین عمده شراح الحدیث و قدوة اصحاب التفسیر والتحدیث مولانا
عطاء الله ابن فضل الله الحسینی الملقب بحمال الحسینی نعمده الله بغفرانه واسكنه بحبوحه
جنانه حضرتلرینك میرزا علی شیر نوایینك تكلفی ایله جمع وتالیف ایندیكى * روضه الاحباب
فی سیر النبی والاولی والاوصیاء * نام كتابی بوباید تمام شرائط حسن قبولی جامع * ولوازم احسان
واستحسان مستجمع اولوب صحاح وثوابت اخباری مشتمل ومواعظ وحكم وآثاری متضمن اولدیغی
جهتدن جهانده مثلی مقفوذ ونظیری ناموجود بر كتاب لطیف وبر انتخاب شیریندر (شعر)
كتاب نظمیه یحكي زلالا * وفی خواه نور قد تلا * فلو خطت جواهره بتر * علی بد زلالق به
كالا * پس بوفقیق حقیر كثير التفضیر محمود المغنساوی المشتهر بیکلی زاده غفرت ذنوبه *
وسرت عیوبه * بعض احبابك التماسلری ایله كتاب مذکورى لغت فارسیدن لسان تركی به ترجمه
ایدوب لكن نفعی عام وفائده سی تام اولغیچون تكلف الفاظ وعبارات وتصنع انشا واستعاراتدن
اجتناب واحتراز ایدوب بسبب وساده * وتصنع ونكلفدن آزاده * لسان عوام اوزده سوق
كلام اولدی و جلله اتفاقات حسنه دندر كه بوكاب مستطابك ترجمه سنه ابتداء شروع اول
ایام نجمسته فرجامه مصادف اولدیكه سنه ست ومائة والف جادى الاخره سنك یكرمی اینكی
كونی لطف ربانى * ومن حمدانى ایله حاكما مسند نشین اورنك عثمانی * و وارث ملك سلیمانی *
وجالس چاربالش خافانی سایه حضرت سبحانی * داراداراب غلام وداور بهرام اتقام * سلطان
البرین والبحرین خادم الحرمين ناصب رآیات الجلاله فی الافاق * صاحب سیر الخلفاء بالاستحقاق
السلطان الاعظم الامجد * والخاقان الاعظم الاسعد * السلطان ابن السلطان ابن السلطان
الغازی (سلطان مصطفى خان) ابن السلطان محمد خان ابن السلطان ابراهیم خان خلد الله ملكه
وابددولته الى آخر الدوران حضرتلرینك تحت بلند بخت سلطنته جلوس همانولرینك اوچینى كونی
روی دریاده كفار ونديك مخاذیلنك طونمای منخوسه لری صدمه طوب بر آشوب غزاة اسلام ایله
شكسته ومنكوس اولدقدنصكره ساقز جزیره سنك دخی ایدى كفرة فجره دن انتزاع واستخلاص
اولد یغی اخبار بشارتلى نسیم یوبهاركی اطراف عالمه ساری وجاری اولغله خلق عالم كال
سرور ونشاط وفرط بهجت وانبساطدن حیات تازه ونشوة بی اندازه بولوب كلركی خندان
وبلبلاركی جوشان وخروشان اولمشلر ایدى وهمچنان بوترجه نك التمام واختتامی اول هيكام
سعادت النجامة مقارن اولدیكه سنه سبع ومائة والف صفر الحبرنده غزاة مسلمینك زور بازوی
مزدانه لری تكرار كفرة مذكوره نك سفاین واهیه لرینی برهمزده وشكسته ایدوب اول سفینه پاره لك
اخشاب والواحی وهلاك اولان كفرة فرنگ بی فرهنگك اجساد ناپاك و بی ارواحی خاروخس كی
غاشیه كش روی دریا اولوب غازیان نهنگ خروش لاشه كفار ازرق پوش ایله آق دكری
بجر سیاهه دوند رمشلر ایدى والحمد لله على ذلك (پس بوترجه بی اعتباره امعان نظر بیورن
اخوان دین وخلان قنوت قرینك مكارم اخلاق ومحاسن اشفاق لرندن درخواست اولنور كه
بوترجه بی انتظامی شرف مطالعه لريله مشرف ویزین بیورد قلدنده واقع اولان زلات وهفواتنك
قابل تاویل ونصحیح اولانلرینی قلم لطف وكرم ایله تصحیح واصلاح وقابل اولبسانلردن عقو
وصفحه انماض واعتراضدن اعراض ایدوب بوفقیق مستندی خیر دعا ایله یاد وتقصیر اتندن
استغفار ایله دلشاد ایدهلر والله المستعان وعلیه التكلان (معلوم اوله كه بوكاب اوج مقصدی
مشتملدر * مقصد اول * حضرت رسالتك صلی الله تعالی علیه وسلم سیرتی واكا متعلق

اولان مقدمات و تممات بیاننده اولوب اوج باب اوزره ترتیب اولمشدر (باب اول) اول حضرتک نسب اطهری و اقامتعلق اولانلر بیاننده در (باب ثانی) اول حضرتک ولادت و ولادتته متعلق اولان امور و مدت حیاتنده اول سرور دن ظهوره کلن حالات و غزوات و سائر وقایع و مرض موت و وفاتی و اقامتعلق اولان احوال بیاننده در و بوبابک خاتمه سنده اول سروره صلواتک کفایتی و انک ثواب و فضیلتی بیان اولمشدر (باب ثالث) فن سیرتک تممات و کمالاتی بیاننده اولوب سکر فصل اوزره ترتیب اولمشدر (فصل اول) اول حضرتک عدد ازواج و سبب رایی و هر برینک شرح حالی بیاننده در (فصل ثانی) اول حضرتک صلی الله تعالی علیه و سلم ذکور و اناث عدد اولادی و هر برینک شرح حالی بیاننده در (فصل ثالث) اول حضرتک تعداد معجزاتی (فصل رابع) اول سرورک اوصاف و شمائل (فصل خامس) اول سید ساداتک عباداتی (فصل سادس اول خواجه کاشانک آداب و عاداتی (فصل سابع) اول سرورک مخصوصاتی (فصل ثامن) اول حضرتک صلی الله تعالی علیه و سلم خدام و موالسی و مراضع و عمالی و کاتبی و پیگری و مؤذنین و خطباء و شعرا سی و اسلحه و ائمه و اثبات البیت و مراکب و دواب و ایلره تعلق اولان اشیا بیاننده در

﴿ اینکجه مقصد ﴾ احوال صحابه معرفتی بیاننده اولوب ایکی بابی مشتملد (باب اول) رجال صحابه معرفتی بیاننده در (باب ثانی) نساء صحابه معرفتی بیاننده در ﴿ اوججه مقصد ﴾ احوال تابعین و تبع تابعین و مشاهیر ائمه حدیث بیاننده اولوب اوج بابی مشتملد (باب اول) احوال تابعین (باب ثانی) تبع تابعین (باب ثالث) تبع تابعین نصرکره وجوده کلن جماعت ائمه دین احوالی بیان اولنور رضوان الله علیهم اجمعین و الله الموفق و المعین ﴿ مقصد اول ﴾ حضرت رسالتک صلی الله تعالی علیه و سلم سیرتی بیاننده در و بومقصدک ابوابه شروعدن مقدم بر مقدمه ذکر ایدوب اول مخلوقات اول حضرتک صلی الله تعالی علیه و سلم نور نبوتی اولوب جمیع مکونات اول نور دن وجوده کلدیکی و بوباید و وارد اولان احادیث مختلفه تک وجه توفیقی بیان اولنسه کر کرد ان شاء الله تعالی ﴿ مقدمه ﴾ اهل سنت و جماعتک رحیم الله تعالی مذ هبلری اولدر که ازل آزالده ممکناتدن هیچ نرسنه موجود ذکل ایدی تنکه (کان الله و لم یکن معه شیء) حدیث صحیحی اکا دلالت ایدر و حق تعالی حضرتی جمیع ممکناتی بوغبکن وار ایلدی و اشیا بی براتمه تأخیر ایلدیکی عجز و عدم قدرتندن دیکل ایدی بلکه جمیع ازمنه و احوالده قدرت انک ذات پاکندن منفک اولمادی پس علماء دین رحیم الله تعالی اول مخلوقات نه نسنه اولدیغنده اختلاف ایتدیله بعضیلری عقل اول مخلوق اولدی دیدیلر و بر طائفه دخی قلم جله دن مقدم مخلوق اولدی دیدیلر و بر جماعت دخی اول مخلوق نور نبوت محمدیدر دیدیلر صلی الله تعالی علیه و سلم غالباً بو طائفه تک منشأ اختلافلری بوباید اخبار مختلفه وارد اولدیغنددر اول احادیثک بریسی بودر که (اول ما خلق الله العقل فقال له اقبل فاقبل ثم قال له ادبر فادبر فقال وعزنی و جلالی بک اعطی و بک امنع) و بریسی دخی بو حدیثدر که (اول ما خلق الله القلم) و بریسی دخی بو حدیثدر که (اول ما خلق نوری) و بو احادیث مختلفه تک جله سی صحیح و ثابت اولدیغی تقدیرجه بونلرک میاننده الله اعلم وجه توفیقی بو وجهله در که اول حقیقت بزم پیغمبریمک نوریدر صلی الله تعالی علیه و سلم و عقل و قلمک اولیلری اضافیدریعی اول مخلوق مجرد اتده عقل و اجسامده قلمدر دیمکدر یا خود بو وجهله توفیقی ایدر که عقلارده حق تعالیکن اول خلق ایتدیکی اول عقلدر که سابقاً ذکر اولنان حدیث شریف مفهومی اوزره حق تعالی انی خلق ایدوب اقبال و ادبار ایلر امر ایتدکه اول دخی اطاعت و انقیاد ایتمکله حضرت عزندن عز شانه فنون اعزاز و اکرام ایلر مکرم و مخصوص اولدی و قلمدره اول مخلوق اولان اول قلمدر که حق تعالیکن امری ایلر اشیاکن تقدیراتی لوح محفوظه ثبت و قید ایلدی و نورلده اول مخلوق اولان نور حضرت محمد المصطفیانک نوریدر علیه الصلوة والسلام اما اهل تحقیق اکا ذاهب

اولش در که بوعبارات ثلثه دن مراد شیء واحد در که حیثیات مختلفه اعتبار اولیوب اسماء متعدده ایله مذکور اولش در یعنی اول امر واحد کندوبی و کندی مبدائی یلوب و سایر اشیا بی تعقل ابتدیی جهندن اکا عقل سمیه ابتدیلر و لوح محفوظ و سایر مصنوعاتده منقوش اولان نفوس علوم انک و ساطئیه منقوش اولدینی جهندن اکا قلم دیدیلر و جمیع کالات ممکنه انک نورینک پرتوی اولدینی جهندن اکانور محمدی دیدیلر پس (مصرع) جمله دن مقصود برالا عبارات مختلف * و بعضی احادیث صحیحیه دن عرش و آبک جمله دن مقدم مخلوق اولدینی مفهوم و معلوم اولش در و محققان شراح حدیثدن بر جمع بویه بیور مشلدر در که قلمک مخلوقاتده اولینی عرش و آبک مخلوقیندن نصکره اولمغه محمولدر یعنی حق تعالی عرش و آبی براتد قد نصکره خلق ابتدیی مخلوقات اولی قلمدر دیمشدر (و بعضی کتب قصص و توار یخده ابن عباس رضی الله تعالی عنهما دن منقولدر که حق تعالی انک اولایراندینی مخلوق بر قلم ایدیکه انک اوزونلغنی بشوز ییلاق یول ایدی و قالکلی قرق ییلاق یول ایدی پس اکا خطاب ایدوب یاز دیدی قلم ابتدی نه یازهم ای نیم پرورد کارم حق تعالی ابتدی روز قیامته دک مخلوقات جفتهده مقدر قیلدیغم نسنه لی یاز قلمدخی جاری اولوب روز قیامته دک جم اوله حق نسنه لی یاز دی ایدر لکه قلمک ابتدا لوح محفوظ اوزره یازدینی یو کلمات ایدی (بسم الله الرحمن الرحیم انا الله الذی لاله الا انا محمد رسولی من اسلم لقضائی و صبر علی بلائی و شکر علی نعمائی و رضی بحکمئی کتبه صدیق و بعثته یوم القیمه مع الصدیقین و من لم یسلم لقضائی و لم یصبر علی بلائی و لم یشکر علی نعمائی و لم یرض بحکمئی فلیختر آلهما سوئی) بر روایت دخی اولدر که قلم الی الابد جمله اولوب اوله جقلری یازمغه مأمور اولدقد ه ساق عرشه (لا اله الا الله محمد رسول الله) یازدقد نصکره هر قطره که آسماندن نزولی و هر ورقکه اغچلردن سقوطی مقدر ایدی و یریوزنده اولان هر طاش پاره لی و نابت اوله حق هر نباتانی و خلائقه ابریشه جک رزقی یازدی پس انک ایچون پیغمبر صلی الله تعالی علیه و سلم (جف القلم علی علم الله) و برزائنده (جف القلم بما هو کائن الی یوم القیمه) دیو ییوردی (نظم) قضی قلم القضاء بما یكون * فسیان التحرك والسكون * جنون منك ان تسعی لرزق * و یرزق فی غشاوته الجنین * و نور محمدینک صلی الله علیه و سلم کیفیت خلقنده روایات متعدده و اخبار متنوعه وارد اولش در و مجموعتک حاصلی و نتیجه سی الله اعلم بو معنایه راجع اولور که حضرت خداوند تعالی بو آسمان و زمینی و عرش و کرسی و لوح و قلمی و جنت و جهنمی و ملک و انس و جن و سایر مخلوقات برائتمزدن نیجه بیک ییل مقدم اول حضرتک نور نبوتی براندی و عالم قدس فضا اسنده اول نوره تربیت ییوردی کاه اکا سجود امر ایلدی و کاهی انی تسبیح و تقدیس ایله مشغول قیلدی و اول نورک قرار کاهنده جابلر خلق ایدوب انی اول جابلرک هر برنده مدت مدیده حفظ ایلدی و هر بر جابده حضرت حقک بر تسبیح خاصنی ذکر ایدردی و نیجه زماندن نصکره که اول جابلردن طشره کلدی و عاشقانه تنفسلر ایلدی حق تعالی انک انفس متبرکه سندن ارواح انبیا و اولیای و ارواح صدیقین و شهدای و سایر مؤمنین و ملائکک ارواحنی خلق ایلدی و اول انفس متبرکه بی بر قاج قسم قیلوب بر قسمندن عرش و کرسی و لوح و قلمی و جنتی و آسمان و زمین و آفتاب و ماهتاب و کواکب و بحار و ریاح و جبالی براندی اند نصکره زمینی منبسط قیلوب آسمان و زمیندن هر بر یسنی یدیشر طبقه ایلدی و هر طبقه بی مخلوقاتدن بر طائفه یه مسکن اولمق ایچون مقرر ییوردی و کیجه و کوندزی اظه ایلدی پس جبرائله امر ییور دیکه واروب حضرت رسالتک صلی الله تعالی علیه و سلم قبری محلندن بر قبضه خاک پاک الوب اول نور ایله مخلوط ایله جبرائیل فرمان موجبیه عمل ایدوب اول نوری اول خاک پاک ایله مخلوط و آب تسبیله تخمیر ایدوب اول خیری بر دره بیضا شکلنه قودی و اول دره بیضانی جنت ابر مقبرینه صالیدی وانی پرله و کواکبه و دریاره و طاعلره عرض ایلدیکه تا خلق اولما زدن مقدم انک کیم ایدیکنی ییله ل و اکایدلر نیکم

(انی عند الله مكتوب خاتم النبیین وان آدم لمجدل فی طبعته) خبر معتبری بومعنایه اشارند ر
 (بیت) کسترده در سرای نبوت بسا طاو* و آدم هنوز رخت نیاورده از عدم* مرویدر که
 مبسرة الفجر دنکه ابتدی سؤال ایندم حضرت پیغمبر دنکه (متی کنت نبیا) یعنی نه زماندن بری
 پیغمبر ایدک اول حضرت جوابنده بیوردیکه حق تعالی چون عرش عظیمی یراندی و کوکاری
 و براری منبسط قبلدی و عرش عظیمی حمله عرش ملکرتک اوموزلنده متمکن قبلدی قدرت
 قلمی ایله ساق عرشه یازدیکه (لااله الا الله محمد رسول الله خاتم الانبیاء) و بنم نامی جشک قبولینه
 و جنت اشجاریتک و رقلرینه و قبه لرینه و خیمه لرینه نقش وثبت ایلدی حال بوکه آدم هنوز روح
 و جسد میاننده ایدی یعنی روح انک جسد نده نمکن بولامشیدی اندنصکره قادر بر کمال آدم
 صغیری یرادوب اول نوری آدمک جبهه سنده و ذیعت قودی و ابتدیکه ای آدم بوسنک جبهه کده
 و دیعه قودیغ نور سنک ذریتک افضل و بهتری و مرسل پیغمبرک سروری نور بدر (روایتده)
 کتور شلردر که چون آدم کنسیدن صادر اولان زلت و معصبت جهشتدن تأدیب اولنوب
 دنیاه کوند رلدی آدم متصل اخلق و کناهلرینه توبه و انابت ایتمکده ایدی تا عاقبت محمد رسول
 اللهی کند و به وسیله طوتمدخه توبه سی مقبول اولادی (نقلدر که آدیم ابتدی الهی محمد حق
 ایچون بنم کاهم یارلغه حضرت حق اکا خطاب بیوردیکه سن محمدی ندن بیلورسن آدم ابتدی
 اول زمانکه بی براتک نظر م ساق عرشه دوش اولدی کورد مکه ساق عرشه بازلس (لااله الا الله محمد
 رسول الله) پس یلدمکه سنک فاتکده خلافتک اعزی و اکرمی محمد در که انک نامنی کندی نامکه
 قرین ایتمشسن پس ندا کلدیکه یا آدم اول سنک ذریتکدن آخر پیغمبر اندر و سنی اکا طفیل
 اولمچون خلق ایتمشدر (ایدر لر که اولکون حضرت حق طرفندن آدم کنبینی ابو محمد قلغه
 ما وراودی) (و بر روایت دخی اولدر که حضرت حق عز و جل آدمدن سؤال ایلدیکه یا آدم
 اول توسل ایدوب کاهک یارلقمی ایچون بکا شفیع اتخاذا ابتدیکک کیمدر یلورمسن آدم جواب
 و یروب ابتدی یلورم سنک محتایک و محبو بکدر و بنم جبهه مه ایداع ابتدیکک نور انک نور بدر
 و ساق عرشه و اوح محفوظده و جنت قبولنده (لااله الا الله محمد رسول الله) دیو یازلغه یلدمکه
 اول محمد سنک فاتکده اکرم مخلوقاندر پس خطاب عزت کلدیکه یا آدم سنی مغفرت ایندم و کاهکدن
 یکدم و عز و جلالم حقیچون سنک ذریتکدن هر یکم اکا توسل ایدوب انی بکا شفیع کتور رسه یارلغارم
 و حاجتی روا ایدرم و بعض مفسر لر (قلتی آدم من ربه کلمات فتاب علیه) آیت کریمه سنده
 اولان تلقی کلماتی سیدرسل صلی الله علیه وسلم حضرت لرینه توسل و استشفاعله تفسیر ایتمشدر
 (منقولدر که اول نوری محافظت و تعظیم اچلیچون آدمدن عهدنامه الی یلر که اولادی ارحام
 طاهرانه اول نوری طهارتسز نقل ایتمه لر و لائیکه اول خصوصه شاهد اولدی لر و مقرر قبلدی لر که
 اولاد آدمدن هر یکمه اول نور ایداع اولنه اندن عهدنامه الله که اول دخی اول نوری محافظه
 و تعظیمه اهتمام ایدوب اول نوری نکاح صحیحله زماننک اصلح و اولاسی اولان نسادن غیری به
 وضع و نقل ایتمه پس آدمک نیجه اوغلنری اولدی تا اول زمانه دلکه اول نور حوايه منتقل
 اولدقد حضرت حوا شبهه حامله اولدی و هرگاهکه حوا وضع جل ایلسه ایکز بر اوغلان و برقر
 طوغور ردی الاشول نوبنده که شبنی طوغور ردی بالکز شبت طوغدی نور محمدینک شرفی
 جهشتدن ایکز طوغور مدی روایت مشهور بودر (و بر روایت دخی وارد در که شبت دخی ایکز
 طوغش اوله علی اخلاف القولین نور محمدی شبنه انتقال ایلدی اندنصکره اول نور پاک
 عهود و مواتیق و نکاح صحیحله اصلا ب طیبه دن ارحام طاهرانه منتقل اولوب تا عید الله بن
 عبدالمطلبه و اندن آمنه بنت وهب بن عبدمنافه ایرشدی (نقلت من اصلا ب طیبه الی ارحام طاهره)
 حدیث مشهوری و (ولدت من نکاح لامن سفاح) خبر معتبری بومعنایه اشارند ر والله اعلم بالصواب

باب اول پیغمبر صلی الله علیه وسلم تسب طاهری واول سرورک آباء واجداد عظامندن
برشمه واعمام وعتانتک عددی واسماء وکنیه لری واول حضرتک القابی و آب زمزمک کفیت
ظهوری و ابراهیم واسمعیل پدر یله بیت کعبه مک بنا اولندیغی واسمعیل نصکره زمزم قیوسنک
یومولوب نابود واپیدا اولدیغنک سبی و بعده عبدالمطلب پدر یله بنه طاهر اولدیغی
وعبدالمطلبک آب زمزم ظهور بنه شکرانه اولغیچون حضرت پیغمبرک باباسی عبداللهی
قربان ایتک مراد ایتدیکی وعبداللهک آمنه بی ترویجی واول حضرتک نور بالی آمنه یه منتقل
اولدیغی واول سروری مدت جلنده طهور ایدن غرائب واکامتعلق اولان امور بیان اولتور *

اول سرورک صلی الله علیه وسلم نسب اطهری ذکر اولتور *

اسم شریفی محمد بن عبدالله بن عبدالمطلب بن هاشم بن عبد مناف بن قصی بن کلاب بن مره بن
کعب بن لوی بن غائب بن فهر بن مالک بن نضر بن کنانه بن خزیمه بن مدرکه بن الیاس بن
مضر بن نزار بن معد بن عدناندر (اصحاب سیر و تواریخ و ارباب علم انساب اراستنده تا عدنانه
حقیقه اختلاف یوقدر ترتیب مذکور اوزره متفق علیه در اما عدناندن اسمعیله واسمعیلدن
آدمه حقیقه عدد افرادو تعیین اشخاص وضبط اسامیده چوق اختلاف واقع اولشدر
بعضیلری عدنانله اسمعیل اراستنده درت نفر ذکر ایتشلر (بعضیلری دخی زیاده ایتشلر تا فرق
نفره دک عد ایتشلردر و کذلک اسمعیلدن آدمه حقیقه دخی چوق اختلاف ایتشلردر فی الواقع
عدنانله آدم اراغنده تعیین عدد اشخاصده بر روایت صحیحیه که معارضه دن خالی اوله ثبوت
ایر شمامشدر اکا بناء انلرک ذکرندن سکوت انساب واولی کورلدی (مرویدر که پیغمبر صلی الله
تعالی علیه وسلم هرگاه که کندی نسبی بیان یوردی عدنانله حقیقه ذکر ایدوب عدنانله ایرشد کده
نوقف ایدردی (و بر روایت دخی اولدر که کذب النسابون الی ما فوق عدنان) (دیر ایدی یعنی
عدناندن نصکره تعیین افراد ایدن نسایلریلان سویلرلر عدناندن یوقاروسی معلوم دکدر دیمک
اولور حضرت عمر بن خطاب رضی الله تعالی عنه دن منقولدر که ترکندی نسبی تا معده
حقیقه ضبط ایتشدر معددن یوقاروسی ییلرلر دیر ایدی ولکن جمهور اهل سیر و تواریخک
اوزرینه متفقدر که ابراهیم واسمعیل ونوح وادریس وشبث اول حضرتک اجداد کرامنددر
وابو بکر عربنک ادریس بزم پیغمبرک اجدادندن دکدر بلکه بنی اسرائیلدن دیریدیکی قول معتبر
دکدرو یوقولک صحنه حدیث معراجده ذکر اولدیغی اوزره پیغمبر آسمانده ادریسه ملاقی اولدقه
ادریسک اول سروره مر حبا بالنی الصالح والاخ الصالح دیدیکی ایله استدلال ایدوب اگر ادریس
پیغمبرک اجدادندن اولیدی اسمعیلک دیدیکی کی مر حبا بالابن الصالح دیر ایدی دیمسی مدعاسنه
تمام دلالت ایتمزیرا احتمالدر که ادریس بوسوزی تواضع وتلطف طریق ایله سویلش اوله

حضرت پیغمبرک صلی الله تعالی علیه وسلم

بعض اجدادی احوالندن برشمه بیاتنده در *

حضرت آدمک کنبی ابوالبشر و ابو محمد در پیغمبردن صلی الله تعالی علیه وسلم سوال ایتدی که آدم
پیغمبر میدی اول حضرت ابتدی بلی نبی مکلم ایدی ابن عباس رضی الله تعالی عنهما ایتدی اکا
آدم دیدکاری اول جهتنددر که آدم زمیندن یعنی روی زمیندن مخلوق اولشدر (و بعضیلر ایتدی
آدمک آدم تسمیه اولندیغنک سبی کسندم کون یعنی بغدادی اکلو اولدیغنددر ققول اول اوزره آدم
ادیم لفظندن مشتق وقول ثانی اوزره ادمت لفظندن مأخوذدر (و بعضیلر ایتدی لغت عربده
برنسنه بی برنسنه یه قارشددر سدر ادمت بین الشیثین دیرلر آدمک دخی طینی آب و خاک کدن مخلوط
اولغله آدم اسمله تسمیه ایلدیرو کلام دلالت ایدر که آدم لفظی اسماء عربیه دن اوله ذر اسماء
عجمیه ده اشتقاق اولماز و امام نووینک رحمه الله تهذیب الاسماء واللغات نام کابنده ابو منصور لغوی

نحویدن نقل ایدوب آدم و صالح و شعیب و محمد دن ما عدا جع اسماء پیغمبران عجبدر دیدیکی
 بوقول مؤیددر لکن ابن جوزی تلفیح نام کتابنده ابوذر غفاریدن بر حدیث روایت ایدوب دیمشکه
 اول حضرت صلی الله تعالی علیه وسلم ابودره خطاب ایدوب ابتد یا بااذر انبیادن درت نفر
 کیمسه سر یابندر آدم و شیث و اخوخ و نوح و درت نفر کیمسه لرعر بیدر هود و شعیب و صالح و محمد
 علیهم السلام اما اخوخ دیدیکی ادر بس پیغمبرد رارباب تواریخ کتوره شلردر که چون حضرت
 حق جل و علا آدمی بار اتمق دبلدی جبرائله پیوردیکه واروب تمام روی زمیندن بر آوج طبراق جمع
 ایلله جبرائیل فرمان مو جنبه عرصه زمینه متوجه اولدیکه واروب فرمان حتی برینه کتوره
 زمین چون بو حالی معلوم ایلندی تضرع وزاری لسانیلله استغاثه ایدوب ابتد خاك ضعيف
 ایچون بحال قرب الهی یوقدر خاك ذلیل قنده رب جلیل قنده بن بو کارك عاقبتدن و بو حالك
 نتیجه سندن قور فرم و بو تکلیف کلفتنه تحمل اید مزم دیو بو یتک مضنوننی عرصه عرضه
 ایزشدردی (یت) ذره خاکم و در کوی توام وقت خوشست * نزم ای دوست که بادی ببرد
 ناکاهم * و بر روایت دخی اولدر که زمین ابتدی یا جبرائیل قور فرمکه حق تعالی بندن بر مخلوق
 خلق اید اول مخلوق که کارلق ایدوب بن خجیل و شرمسار اولم جبرائیل خاک که زخم ایدوب کبرو
 دوندی و خاکك عجز و اضطرابی قصه سنی درگاه احدیته عرض ایلدی (و بر روایت دخی اولدر که
 خاك ابتدی یا جبرائیل سندن حق تعالی به صفنورمکه بندن برشی اخذ ایدوب بنی نقصان اوزره
 قومیه سن جبرائیل دونوب کیدوب ابتدی یارب خاك بندن سکا صفندی بن دونوب کلام پس
 اسرافیل و بر روایتده میکائیله فرمان حق اولدیکه بومهمه قیام ایدوب زمیندن بر قبضه طبراق
 آله انلردخی واروب جبرائیل کتوردیکی جواب مثلی جواب ایلله کبرو دوندیلر عزرائیله خطاب
 ابرشدیکه سن واروب بوا مره قیام اید سن فی الحال عزرائیل زمینه اینوب خاکك عجز و زار یلقنه
 اصلا التفات ایتدی خاك عزرائیلدن جناب حقه استعاذه ایتدکده عزرائیل دخی حق تعالی بنک
 فرماننی برینه کتورمدین دونوب کیتکدن بن دخی ایکا استعاذه ایدرم دیوب امر او اندیغی اوزره
 تمام روی زمینده اولان اصناف خاکدن قرق ارشون مقداری طبراقی بر برینه مخلوط ایدوب
 مکه و طائف ارالغی بر برده جمع ایلدی جناب عزندن خطاب کلدیکه یا عزرائیل چون بو قبضه
 خاکك اخذ و قبضی سندن وجوده کلدی انک و اولادینک جانلرینی قبض ایتکی دخی سکا
 نفویض ایتدم (خبرده کلشدر که پیغمبر صلی الله تعالی علیه وسلم پیوردی حق تعالی آدمی
 بر قبضه ترابدن خلق ایتدکده اول تراب تمام اجزای روی زمیندن انشیدی پس بنی آدمك
 الوان و طباعتك اختلافی اجزای ارضك اختلافی حسبجه اولدی کیمی بیاض و کیمی سینه
 و کیمی قرل و کیمی بورنکلرک میانه سی و کیمی دخی طیب و کیمی خبیث کیمی یومشق و کیمی قانی
 (روایتده کتوره شلردر که چون اول قبضه خاک مکه و طائف ارالغنده جمع اولدی جناب فیاض
 عزشانه بر بولوت پاره سنه امر ایتدیکه قرق کون یا خود قرق ییل اول خاکك اوزرینه غم و غصه
 دریا سندن یغور یاغدردی اول دریا عرش الشده بر بجر در که اکا بحر الاحزان دیرل اول جهنمدن
 در که بنی آدمك اوزرینه بنی حزن و بی ملال بر کون یکمن امام ملی عرایس نام کتابنده ایدر خبرده وارد
 اولشدر که آدمك جسدی روی زمینده یا نور ایکن انک اوزرینه قرق ییل غم و غصه یغوری
 یاغوب صکره بر ییل دخی سرور و شادی یغوری یاغدی انکی چوندر که اولاد آد مه غوم و هموم
 چوق اولوب عاقبتی فرح و راحت مبدل اولور (شعر) ای شی یکنون اعجب من ذا * لوتفکرک
 فی صروف الزمان * حادثات السرور توزن وزنا * و البلايا نکال بالقفران * ومدت مذکوره ده
 جناب حکیم خلاق عزشانه اول کارده غیرک مشارکنسز کندی بد لطف و عنایتی ایلله آدمك
 طبیعتنی تخمیر پیوردی وانک جبلت و طبیعتنده هرنه مراد ابتدی ایسه مخمر قیلدی (ایدر لکه اول
 جسد ابتدایین ایدی یعنی بالحق اندن صکره جاء مسنون یعنی متعفن اولمش بالحق اندن صکره

صلصال اولدی یعنی قرومش بالحق شو بلکه برنسنه اورسه لر کوم کوم و تزدی (اهل تفاسیر و توار یخدن
منقولدر که چون خدای تعالی اسمان و زمینی و ملائکه و جنی خلق ایلدی ملائکه بی کوکوردی سا کن
قیلوب جنیلری برده مانسکان ایلدی پس جن قومی مدت مدید یزده سا کن اولوب حق تعالی نکه عباده
مشغول اولدی بیلر پس حق تعالی نکه ارادت ازلیه سنی اول قومک افشاء و اهلا کشته متعلق اولغله ارالزده
احسنو یعنی وظلم و طغیان پیدا اولوب فتنه و فساد و بر برلری ناحق بره قتل و اهلا که باشلدیلر حق
تعالی زمینه ملائکه دن بر نوع لشکر کوندردی که انلره ملائکه جن دیرلر ایدی و اول طائفه نکه مقتدا
و مرشدی و افضل و اعلی ابلهس ایدی چون اول ملائکه جن زمینه ایتدیلر بوندن اقد مزمنده سا کن
اولوب زمینک قصص فی اللرنده اولان جنیان طائفه سنی برلندن سوروب جبقاردیلر و اول طائفه
طاغیر شکافلرینه و در یالرده جزیره لره قانچد یلر و نابود و نابدا اولدی لاندن صکره ملائکه جن
زمینه قرار ایدوب حق تعالی بالتمام روی زمین ملکئی و سماء دنیایی و جنت خزینه دار لقی ابلهسه
و بردی ابلهس کاهی روی زمینه عبادت ایلدی کاهی سماء دیناده و کاهی جنتده پس اول
معاونک خاطر ناسازنده بر عجب پیدا اولدی و کند ی کندویه ایدی بونجه مملکتی حق تعالی نکه
بکا ارزاقی طوبیغی دکدر الا انک قائنده بنم جمله ملائکه دن اعز و اکرم اولدی فمدندر پس جناب
اخذیت ابلهسه و ابلهسک تحت حکومتده اولان لشکرینه و یاخود جمیع ملائکه آسمان و زمینه
خطاب بیوردی که (انی جاعل فی الارض خلیفه) یعنی آدمی خلیفه قلیق استرم دیدی انمه تفسیر
اختلاف ایتدیلر که حق تعالی آدم حقنه نیچون خلیفه دیدی (بعضیلر ایتدیلر که انکیچونکه
آدم روی زمینه اولان جنک خلقی اولاجق ایدی لکن صحیحی اولدر که انکیچون آدمه خلیفه
لانی اطلاق ایتدی که زیرا آدم حق تعالی نکه احکامی اقامنده و قضایاسنی تنفیذده حضرت
حقک خلیفه و نایب ایدی ملائکه چون انی جاعل فی الارض خلیفه خطابنی اشدیلر (انجعل فیها
من یفسد فیها ویسفک الدماء و یخس نسج بحمدک و نقدر من لک) دیدیلر یعنی زمینه بر کیمسه بی
خلیفه قیلار بسن **که** اول کیمسه و انک اولادی فساد ایدر و خون ناحق دو کرلر و حالبو که
برسکاکشکر و شاقیلار و سنک پاکلک کی ذکر ایدر یعنی وجه ارضده اول جنیلرک فساد و عصیان
ایتد کلری کی بونلر دخی عصیان و طغیان اینسه کر کدر و اول قاعده یه کنشدر کر کدر ملائکه
بوضوئی غایب حاضره قیاس ایدوب سوبلدیلر بوخسه انلر علم غیب بیلر لودی (و بعض علما ایتدیلر
حضرت حق انلره اعلام بیورمشدیکه بن روی زمینه بر خلیفه ایجاد ایدر مکه انک اولادی
فساد اینسه لر کر کدر و علمادن بر جمع دخی اکا ذاهب اولدی لکه ملائکه بی آدمک فساد و سفک
دماه ایده جکلر بی لوح محفوظده کوروب معلوم ایدمشلر ایدی (و بعضیلر ایتدیلر ملائکه بی آدمک
فساد ایده جکلرینه طبیعت انسان مقضاسبله حکم ایشلر ایدی زیرا انسانک روحنک مرکبی
مثابه سنده اولان قالب جسمی مواد متضاده دن ترکیب اولمش بولدی لر پس بیلدی لکه بوتزکیک
نتیجه سنی دو کلی فساد و فساد اواسه کر کدر اما ملائکه انسانک قلبی حالتدن و حق تعالی نکه نظر
کاهی اولدیغندن غافل ایدیلر و بیلدی لکه دو کلی فساد و فساد حق تعالی نکه بر نظر لطیف ایلله صلاح
پذیر اولق ممکندر (انمه علما ایتدیلر ملائکه دن بوسؤال حق تعالی نکه آدمی بر اتمقده حکمتی نه در اول
حکمتی بلکه طالب اولق و استعلام ایتک طریق اوزره واقع اولمشیدی یاخود مراد لری آدمک
حالتدن استفهام ایتک یعنی عجباً خلیفه ایده جکلک کیمسه جنیلر کی مفسد می اولاجقدر بوخسه
بزرگی مصلح می اولاجقدر بوتقدیر اوزره آیت کریمه ده تردیدک شق نایسی محذوف اولمش اولور
یاخود ملائکه بوسوزی تعجب طریق اوزره سوبلش اولار که الهی سنک بونجه نعمت لک آدمک
و اولاد آدمک اوزر لنده ایکن انلر کندولر بی بونجه جنایتلر ایلله نیجه آوده ایده بیلورلر و نه جرأت ایلله
فساد یولفه کیده بیلورلر ملائکه نکه بوسؤالدن مراد لری علی اختلاف الاقوال بیلهر نه اولور اینسه اولسون
حق تعالی انلرک جوابنده (انی اعلم ما لا تعلمون) بیوردی یعنی آدمی بر اتمق ضمنده اولان مصلحت

و حکمتی بن یاورم سز زانی بیلز سز و یا خود مراد بویه دیمک اوله که آدمدن و اولادندن
 یغمبرل و مصلملر کلجکدر (و یا خود بن بیلورمه که آدمدن طاعت و انبلیس دن معصبت صادر
 اولجقدر یا خود بن بیلورمه که آدم سز زدن اعلد ر یا خود سز آدمدن معصبت صیدور ایده چکنی
 بیلورمه کز بن بیلورمه که اول معصبتدن بشیان و تائب اولجقدر (و بفضیلر ایتدیلر بو آیت کریمه
 ایله حق تعالی نیک مراد شریفی بودر که ای فرشته زم بن سزلی خلق ایتمکله خالقیم صفی
 ظاهر و آشکاره اولدی اما بنم دخی اسما و صفاتم وار در رازق و رزاق غافر و غفار و غفور کبی
 بر خلق دخی بر اتمی استریمکه انلردن بعضی بدن رزق طلب ایده لری انلره رزق و بر مکله
 رازق و رزاق صفتلرم پیدا اوله و انلردن بعضی بدن بنم قضایله کنه صادر اولد قده اعتذار
 و استغفار ایدوب بن انلرک عذر لرینی مقبول و جرم لرینی مغفرت قیلق ایله غافر و غفور و غفار لغم
 صغیر بنی ظاهر و آشکار قیلم کرک (زین القصص صاحبی ایدر بدأ الخلق نام کلبده کوزدمکه چون
 حق تعالی ملائکه به (انی اعلم ما لا تعلمون) خطای بنی یوردی ملکر ما موز اولد قری خصوصده جرأت
 ایدوب سوز سو بد کلر بنی یعنی آدمی نیچون یاد رسن دیو اعتراض ایتدیکلر بنی عظیم معصبت
 بیلوب نادم و بشیان اولدیلر ویدی ییل کر سبتک اطرافنی طواف ایدوب (لیک اللهم لیک اغتذای
 الیک لیک نستغفرک و نتر ب الیک) دیدیلر زوایتده کتور مشلردر که آدمک طہنتی تخمیر اولوب هنوز
 صلصالت مرتبه سنده ایکن اتفاق لبلس ملائکه دن بر جاعتله آدمک قالب جسدی اولان
 محله مرور ایلدی ابلس الی آدمک قاری اوزرینه اوردی یا نفولوب صداسی ابلسک قولاغنه
 ایرشد کده ایتدی غالباً بو شخصک هیکلی ایچون زباده اقبال اولماسه کر کدر شو یله کور بر مکله
 بو شخصک مبتلای بلای بطن اجوفک تقاضا سنندن نیجه ایشلر ظهوره کله و دونوب بیله سیجده
 اولان ملکره ایتدی اگر حق تعالی انی بزم اوزریمزه مسلط ایدر شد انکله نه معامله ایتسه کرک
 ملائکه ایتدیلر اطاعت ایده زبالبس کندی کندی به ایتدی اگر بنی انک اوزرینه مسلط ایدر شد
 بن انی هلاک ایدرم اگر انی بنم اوزریمه مسلط ایدر شد انک اطاعتنده اولمام بر یکی بر ادمش کشتی
 طاعات و عبادات سابقه سز بنم اوزریمه نیجه حکومت ایده بیلور حق تعالی ابلسدن اول
 عجب و تکبره راضی اولوب انک اوزرینه طرد و لعن رفنی چکنی (سهل بن عبدالله تستری ایتدی
 عبدالله ربی بینده تکبر و دعوان اغلظ بر حجاب اولدیغی کی ذل و افتقار دن اقرب بر طریق
 یوقدر (نقلدر که چون تخمیر طبت آدم قصه سی تمام اولوب اجزاء وجودینک تعدیل و تسویه سی
 امری انجامه ایرشدی انک سقال کی اولان جسدینک باشی طرفندن روحی ادخال ایتدیکلرنده
 روح هر محله که ایرشدی اول محل صلصال ایکن یعنی قرومش بالحق ایکن لحم و عظم و پوست
 اواسی (عن سلمان رضی الله تعالی عنه قال لما خلق الله آدم علیه السلام بدأ باعلاه ثم باسفله
 فقال الهی عجل خلقی قبل اللیل فذلک قوله تعالی خلق الانسان من عجل فلما نفخ فيه الروح عطس
 فآلهمه الله الحمد فقال الله فقال الله برحک ربک یا آدم) و بروایت دخی اولدر که چون روح
 آدمک کوزینه ایرشدی نظری جنت میوه لرینه دوش اولدی و چون شکسته ایرشدی اشتیاء
 طعام پیدا اولدی و اول حرص شول حرص ایدیکه ابتدا آدمک جوفنده پیدا اولمشیدی هماندم
 دیدیکه واروب جنت میوه لرندن تناول ایلله حال بو که هنوز روح ابقلرینه ایرشماشیدی اول
 جهتنددر که حق تعالی پیورر (خلق الانسان من عجل) پس روح آدمک تمام جسدینه سرایت
 ایدوب لباس حیاتی انک بدنته کیدیر دیلر و جال خلقنی زیور علمه آراسته ایتدیلر حق
 تعالی اکا اسماء مسمیاتی تعلیم ایلدی شکیم پیوردی (و علم آدم الاسماء کلها) ایدرلر که چون
 حضرت جلال احدیت (انی جاعل فی الارض خلیفه) صداسنی ملائکه کک بنم لرینه
 ایرشدردی انلر ایتدیلر پروردکاریمز هر نه دیلر سه خلق ایتسون هیچ انک قائنده بزلدن عز بزرک
 بر مخلوق اولماسه کر کدر و بز پروردکارمزک قائنده اعز مخلوق اولیحق بالضروره آدمدن اعلم اولسق

کر کرد ز برای اندن مقدم خلق ایلدی و بزم کورد یکیم شیری آدم هنوز کور مامشدر پس حضرت
حق آدملک ملائکه اوزرینه عجله فضیلتی اظهار ایتک هر ادا یدیک آدمه مسیماک اسماسنی تعلیم
بیوردی انم تفسیردن ابن عباس و مجاهد و قتاده نک اتفاقری ائک اوزرینه در که حضرت حق جمیع
اصناف باشیماک اسماسنی آدمه تعلیم ایلدی و بعضی علما ائک اوزرینه در که روز قیامت دئک اولوب
واولاجق ائک اسماسنی بیله تعلیم ایلدی آدم دخی اولادندن هر برینه بر لغت خاص ایله تکلم ایدردی
اولادی دخی اطراف بلادده متفرق اولوب هر فرقه بر لغت و رسیانله مخصوص اولدی لاندن صکره که
آدم جمیع اسمایه عالم اولدی حضرت حق عز شانه مسیماک اسمایه ملائکه به عرض ایدوب بو مسیماک
اسما سندن بکا خیر و نیک اکر بر آد مدن اعلم و افضل دیدیکر قولده صادق ایسه کر دیدی
پس ملائکه کندی عجز و قصورینه معترف اولوب (سبحانک لا علم لنا الا ما علمنا) دیدیلر ابو بکر
وراق رخه الله ایلدی حق سبحانه و تعالی ملائکه به خطاب ایدوب (انبثو) یعنی بکا خبر
ورک دید که ملائکه حصر اولوب جوابه قادر اولما قدرینک سبی بودر که حق جل و علا
اخباری کندی ذاته مضاف ایلدی آدمه اضافت ایتدی یعنی انبثوا آدم دیمدی حقا که بویه
مقام امتحانده کیمدر که حق تعالی به جواب و بر مکه قادر اوله چون حضرت حق دیلد بیکه آدم
حصر اولوب جوابه قادر اوله پس اخباری کندی ذاته اضافت ایتوب ملائکه به اضافت
ایلدی یعنی انبثو دیموب انبثهم دیدی مناسنی یا آدم ملائکه به خبر و بر دیمکدر حق اخباری
کندی ذاته اضافت ایدوب انبثو یا آدم دیدی آدم حصر اولوب جوابده ملائکه دن
عاجزک اولیدی اندن صکره حق سبحانه و تعالی آدمه خطاب ایدوب یا آدم ملائکه بی خبردار
ایت اسماء مسیماکدن دیمکله آدم عز و شرف بولوب مسند تعلیم ملائکه ده ممکن اولدی تنکیم
(یا آدم انبثهم باسمائهم) آیت کریمه سی اول فغاندن خبر و بر و آیات کریمه لده انبثک ملائکه دن
افضل اولد بقیه دلالت واردر اهل مینت و جاسعت مذهبی دخی بونک اوزرینه در و دخی
بو آیتلر که عاتک عبادت اوزرینه فضیلتنه دلالت واردر که آدم علم واسطه سبله اهل طاعت
و عبادت اولان ملائکه نک اوزرینه ترجیح و مزیت بولدی بویه اولد بغی اجلدن پیغمبر
صلی الله تعالی علیه وسلم یورد بیکه (فضل العالم علی العابد کفضل علی ادناکم) و بر زوایتده
(کفضل القبر لیله البدر علی سائر الکواکب) چون آدم معلم ملائکه اولدی پرده اولان ملائکه به
یا خود جمیع ملائکه به امر اولد بیکه آدمه سجده ایدلر پس علما ایتدی لرم ملائکه نک آدمه سجده
ایلله امر اولد بغی انباء اسماء دن مقدم واقع اولشدن تنکه (فاذا سویته ونفخت فیه من روحی
ففعواله ساجدین فسجد الملائکه کلهم اجمعون) آیت کریمه سنک ظهیری دخی بومعنایه دلالت
ایدن (نقلدر که ملائکه دن ابتدا آدمه سجده ایدن اسرافیل و جبرائیل ایدی حق تعالی اول
مقابله ده جزا اولمچون لوح محفوظ محافظه سنی اسرافیله نفو بض بیوردی و جبرائیلی امین
وخی ایلدی و انلردن صکره جمیع ملائکه سجده ایلدی لرم الا ابلهس که امتناع کوسرتوب سجده
ایتدی لاجرم (وان علیک یعنی الی یوم الدین) مقتضاسبله طوق لغت ایدی بی کردنه بکردیلر
(و فاخرج منها فانک رجیم) فحواسی اوزره بختدن خروجه حکم الهی صادر اولدی و بومعنی
دیلدر ائک اوزرینه که هر کچکه بر عالمه حقارت چشمی ایله نظر ایلنه اول کشی عمرندن تمتع بویه
و شیطان موافقت ایتش اوله زیر اشیطان عیب جوی و عیب کوی اولدی و آدمک علنی کویمدی
پس ملعون ایدی اولدی و هر کچکه عالم لرم بوزینه حرمت ایله نظر ایلله و انلرک عیب
جوی اولیه که بنی آدم البته بی عیب اولماز بلکه انلرک عیب لری ایلله ستر ایلله اسرافیل
و جبرائیل علیهما السلام موافقتنه قدم قویمش اولور و آرزو فاندن دین و دنیا مقصودینه فائز
اولور بوجهند ندر که پیغمبر صلی الله تعالی علیه وسلم بیورمشدر (من اکرم عالما فقد اکرمنی)
مذهب صحیح اولدر که اول سجده حقیقده آدم ایچون ایدی لکن حق سبحانه و تعالی نک طاعت

و عبادتی متضمن ایدی زیرا سجده ایتمکه حق تعالیٰ جنایتکنندگان را مأمور اید بمل و اول سجود تعظیم و تحیت سجودی ایدی عبادت و طاعت سجودی د کلیدی یوسف علیه السلامه قزنداشلرینک سجودی کی (و بعضیلری ایتدیلر) (اسجد والا دم) آیت کریمه سنده اولان لام الی معانسه در پس اسجدوا الی آدم دیمک اولور بوتقدیرجه آدم بیت کعبه کی قبله سجود اولور و حقیقتده سجود الله تعالی ایچون اولمش اولور نتمکه حجاج بیت کعبه یه سجود ایدرلر اما حقیقتده سجود الله ایچوندر لکن بوقول ضعیفدر زیرا قرآنده (ففعوا له ساجدین) بیوزلشدرا کر اول قائلک دیدیکی کی اولیدی ففعوا الی ساجدین بیوزلوردی ووجه ضعفک بری دخی اولدرکه اگر سجده حق تعالی ایچون اولیدی ابلبس تکبر ایتدیر ایدی و سجده دن ابا و امتناعه مجال بولمزدی (ایدرلرکه اول ملعونک کتبی ابومره ایدی و سربانی لغتجه اسمی عزازیل و عرب و حارث ایدی چون اول عصیان اندن صادر اولدی اسمی و صورتی متغیر اولوب ابلبس اسمیه اولندی زیرا ابلبس دیمک حق تعالیٰ جنایتکنندگان را امید دیمکدر ابلبس من رحمة الله لهدن مأخوذ در (و بعضیلری ایتدیلر ابلبس لفظ عجمیدر زیرا کلام عربده غیر منصرف واقع اولمشدر حالبوکه علمیندن ماعدا اسباب منع صرفدن انده عجمه تک غیری بسبب آخر اعتباری ممکن دکلدر مکر عدل تقدیری اعتبارنه قائل اولتمه ابلبس جله ملائکه دن و یا خود جله جندن اولدیغنده مفسرین اختلاف ایتلشددر بعضیلر خنیلرد ندر دیوب (و کان من الجن ففسق عن امر ربه) آیت کریمه سبله استدلال ایتدیلر و ایتدیلرکه آدم انسک اصلی اولدیغی کی ابلبس دخی جنک اصلیدر و انک ملائکه دن اولمادیغنه بر دلیل دخی آتشدن مخلوق اولدیغیدر ملائکه ایسه نوردن خلق اولمشدر و بر دلیل دخی بودرکه ابلبسک ذریقی اولدیغی ثابت اولمشدر ملائکه تک ایسه ذریقی اولماز اما اصح اقوال اولدرکه ابلبس ملائکه دندر زیرا آدمه سجود ایلر مأمور اولان ملائکه در جن دکلدر اما و کان من الجن آیت کریمه سنک معناسی و کان من الملائکه الذین هم خزنة الجنة دیمکدر خزنة جنت ملائکه لرینه دخی جن تسمیه اولنوردی نتمکه سابقا ذکر ی سرور ایلدی (و بعضیلری ایدرلرکه ملائکه دن برکروه واردرکه آتشدن مخلوقدر در اول ملائکه یه جن دیرلر انسانک چشمندن مستور اولدقلری ایچون زیرا لغتده جن دیمک ستر دیمکدر و بر جمع دخی ا کا ذاهب اولدیلرکه و کان من الجن آیت کریمه سنده اولان کان صار معانسه در صار کله سی ایسه بر حالدن بر حاله انتقاله دلالت ایدر یعنی ابلبس اول ملک ایدی صکره عصیان ایتمکله حق تعالیٰ انی مسخ ایدوب جن اولدی دیمکدر دپدیلر (و ایدرلرکه ابلبسک مسخ اولمشه سبب اول ایدیکه ربوبیت دعواسی ایدوب تحت حکومتده اولانلری کندویه طاعت و عبادته دعوت ایلدی قتاده دن رضی الله تعالی عنه و غیریدن منقولدرکه) (ومن یقل منهم انی اله من دونه فذلک یجریه جهنم و کذلک یجرى الظالمین) آیت کریمه سی ابلبسک شاننده در مجاهد دن رضی الله تعالی عنه منقولدرکه ابلبس مسوخ اولدقدده حق تعالیٰ انده شهوت خلق ایلدی ایدرلرکه ابلبس شهوت تقاضا ایلدیکی اوقاتده صاغ اولوغنی صول اولوغنه سوروب شهوتنی دفع ایدوب اندن بر شیطان تولد ایدردی محمد بن اسحق ایدر اول ملعون کندی یه مدد ایدوب امداد یله جسته دخول ایتدیکی ییلانله مجامعت ایدوب نسلی اندن ظاهر اولمشدر (روایتده کتور مشلدرکه اول زمانده که ابلبس ابا و امتناع ایدوب بن آدمه سجده ایتدیرن زیرا بن آتشدن خلق اولمشدم اول ایسه طهارقدن خلق اولندی بن اندن خیرلویم دیدی نتمکه) (انا خیر منه خلقتی من نار و خلقتنه من طین) آیت کریمه سی اول معنایه دلالت ایدر ابلبس بونک کی قیاس عقیده تمسک و احتیاج ایلدی و ابتدا قیاس الیه احتیاج ایدوب خطا ایدن ابلبس ایدی اول ملعون نص مقابله قیاسک باطل اولدیغنی بملدی زیرا که چون حق تعالیٰ جنایتکنندگان را خلق ایتدیکنتمه و امر الهی یه اطاعت و انقیاد اوزرینه واجب اولدیغنه مقر و معترف ایدی و مع ذلک قیاسی فاسد ایدی زیرا بر قیاس وجهله خلک

آتشدن مفضل و مر جدر اول و جوهك اولكيسي اولدر كه جوهر خاكده سكون و وقار و حيا و ثبات و حيا و صبر و اراد و بوضعتلر شول صفتلر در كه آدمك توبه و تضرع و تواضعنه سبب اولمشدر و انك مغفرت و اجتناب و اهتداسي بوضعتلر ده مترتبدر كقوله تعالى (ثم اجتناب ربه فتاب عليه و هدي) و انك جوهر نده خفت و طيش و حدت و ارتفاع و اضطراب و اردر و بوضعتلر ابليسك تكبر و ترفع و عصياننه سبب اولمشدر و هلاك و لعنت بوضعتلر ده مترتبدر (من تواضع رفعه الله و من تكبر وضعه الله) ايكنجيسي جنك و ضفنده نراي مسك اولمق و ارد اولمشدر اما جشده آتش اولديغي منقول دكلدر (او چنجيسي آتش سبب عذابدر خاك سبب راحتدر) در دنجيسي خاك آتشدن مستغيدر اما آتش خاكه محتاجدر كه تا انك مكاني خاك اوله (بشنجيسي خاك سبب عمارت و جمع و التيامد اما آتش سبب تفريق و تشنيت و خرابلقدرد) ايدرلر كه ابليس چون انايددي يعني بن ديددي اكا عايك اللعنة ديديلر و حضرت حقك در كاهندن اتي هيچ برنسته رد ايتدي الا كه كنددي نفسني كورد يكي وطن ايدر ديكه فضل جوهر اشخاصله در بيلديكه فضل خداوندك ازل آزالده اختيار و اضطفاسيله در (عن النبي صلى الله تعالى عليه وسلم انه قال اذا قرأ ابن آدم آية السجدة فسجد اعتزل الشيطان يبكي ويقول ياويله امر ابن آدم بالسجود فسجد فله الجنة و امرت بالسجود فعصيت فلي النار) ايدرلر كه آدمك خلق اولمسي جمعه كون واقع اولدي و بوييله بر حديث نبوي شويه ايرشمشدر (عن ابى هريرة رضي الله تعالى عنه قال اخذ رسول الله صلى الله تعالى عليه وسلم بيدي فقال خلق الله التربة يوم السبت و خلق الجبال فيها يوم الاحد و خلق الشجر فيها يوم الاثنين و خلق المكروه يوم الثلاثاء و خلق النور يوم الاربعاء و بث فيها الدواب يوم الخميس و خلق الله آدم بعد العصر يوم الجمعة آخر الخلق في آخر ساعة من ساعات الجمعة فيما بين العصر الى الليل) منقولدر كه چون آدمي جنته كتورد يار كنددي جنشدن بر اليق و جليس ديلديكه خاطري انكلمه مانوس اوله پس حضرت حق اكا براويقو مسلط ايلدي آدم اويقويه و اردي اول حالده انك صول بهلوسنك آخرنده اولان استخواندتكه اكا قصردر برانندن حوا مخلوق اولدي شويلكه آدمك هيچ خبري بوغيددي و حوايه انكيچون حوا ديديلر كه حي دن يعني دريدن مخلوق اولدي و قيل لانها ام صكل حي حديث نبويده وارد اولمشدر كه خاتون اكري كوكدن مخلوق اولدي اتي طوغرلده لم ديرسه كز طرغرلده مر سكرز را چون اكري كوكي طوغرلتمقده مبالغه ايتسه كوز قيريلر اكر كنددي حالنه قوسه كز هميشه اكري قالور و بوييله ديمشدر (شعر) هي الضلع العوجاء لست تقيهما * الا ان تقويم الضلوع انكسارها * انجب ضعفا و انكسار عن الفتي * البس عجيبا ضعفها و اقتدارها * ايدرلر كه چون آدم اول اويقودن او ياندي حوايي كورددي برنوزدن قبه ده او نورمش آدم اندن سؤال ايتديكه سن كيمسن حوا ايتدي سنك جفتكم حق تعالى بني سنك ايچون خلق ايلدي پس حوايي آدمه نكاح ايتديلر حضرت حق بالذات خطبه نكاح اوقوددي و ملائكه شاهد اولديلر پس آدم و حوا حق تعالى طرفندن (يا آدم اسكن انت و زوجك الجنة و كلا منها رغدا حيث شئتما و لا تقربا هذه الشجرة فتكونا من الظالمين) خطايله مخاطب اولديلر يعني اي آدم زوجكله جشده ساكن اولك و رفاهيت ايله جنت نعيملرندن هر نه بردن ديرسه كز ييك و بودرختك يورده سنه قريب اولمالك و الاجله ظالمردن اولور سر اهل تفسير اختلاف ايتديلر كه بو آيت كريمه ده اشارت اولنوب منع و نهبي اولنان بر معين و مخصوص شجر مبدي بوخسه اول شجر كه جنشدن اولان اشجار مبدي بعضيلر شق اول و بعضيلر شق نايدنر ديديلر و اول شجر دني بقداي اغاجي و ياخود اوزم اغاجي و انجيز اغاجي و يا كافور اغاجي اولد و غنده دني اختلاف ايتديلر (ابن عباسندن رضي الله تعالى عنهما منقولدر كه چون ابليس آدمي جشده مطلق العنان ذوق و صفاده كورددي كنددي جشندن آدم اجليچون ممنوع و محروم اولديغي جهندن آدمه حسد ايلدي و آدمي جشندن اخراج ايتدرمكه

بر حيله اراردی جسته دخول و خروج ایدن حیوانان دن هر قفسه سندن که جسته دخول و اعانت طلب ایلدی ابا و امتناع ایدوب مساعده کو ستر مدیلر پس یلانک قائمه کلدی حالوکه یلان اول زمان جنت حیوانلرینک احستندن ایدی بختی دوه کی درت ایاقلو ایدی چون ابلهسه معاونت ایلدی حق تعالی انی مسیح ایدوب بوضو رته قودنی القصه شیطان کلوب یلاننه ایتدی اگر بنی جسته قورایسک سنی بی آدمک ضررندن حفظ ایده بن و دایما انلرک اضرارندن بتم امامنده اوله سن دیدی اول جهندن ابن عباس رضی الله تعالی عنهما دیمشدر که ییلانی هر قنده کورر سه کز قتل ایدوب ابلهسک انکله اولان عهدتی نقض ایده سز (روایتده کتور مشلردر که اول مار اول ملعونی اغرنده پنهان ایدوب جسته کتوردی شویلمکه جنت خازنلرینک ابلهسک جسته دخول و خوندن خبرلری اولمادی پس شیطان وسوسه بنیادی ایدوب و زوب آدم و خوانک مقابلرند طوزدی انلر بونک شیطان ایدیکن بیلدیلر پس اغلغه ونوحه وزاری به باشلا دی ابتدا نوحه ایدن ابلهس ایدی آدم و حوا اکا ایتدیلر نیچون اغلر سن شیطان ایتدی سزک حالکزه اغلر که سز مورت ایریشوب اولسه کز کرکدر و یوجنت یچلرندن جدا اولسه کز کرکدر ابلهس بوسوزی شو یلدی و آخر طرفه کیدوب غائب اولدی اما آدم و حوا حزین و غمناک اولدیلر بعده ابلهس کیره آدم و حوا قائمه کلدی و ایتدی (یا آدم هل دلك على شجرة الخلد و ملک لا یبلی) یعنی ای آدم سکا دلالت ایده یخی بر درخته که چون انک میوه سندن بیه سن ایدی جسته قاله سن و جنت ملکی هر کز سندن زائل اولیه ابلهسک مرادی اول شجرة ایدی که آدم و حوا لاندن نهی اولمشلر ایدی آدم بوسوزی اندن قبول ایتدی ابلهس بیهن ایتدی که بن سز نه فاضلردن و خیر خواهرلر دیم و بوسوزده طوغری سوبیلرلر دیم تنکه (وقاسمهما انی لکما لمن الناصحین) آیت کریمه سنی بومعادن خبر ویرر پس آدم و حوا ابلهسک بیهنه الداندیلر زیر ابوا اعتقاد اوزره ایدیلر که حق تعالی انک اسمنه یلان بیه بین ایتک منصور دکلدر (ابو بکر و زاری ایدر سکا نصیحت ایدن کیمسه تک دین و امانته و سکا نصیحت برضض غاسدی اولما دیغنه تمام اعتقاد و اعتقادک اولمادیجه اول کیمسه تک نصیحتی قبول ایتیه برهیز و احتیاط قیل کورده مبدنکه شیطان آدمه ظاهرده نصیحت ایلدی اما حقیقتده خیانت ایتدی پس حوا اول شجرة منهینک اکلنه و بنادرت ایلدی اندن صکره ابلهس اولقدر اغوا و اغرا ایلدی که آدم دخی نهی فراموش ایدوب اول شجرة دن تناول ایلدی (ولقد عهدنا لی آدم من قبل فنی ولم نجد له عزما) آیت کریمه سنی آدم دن اول عصیان علی سبیل النسبان صادر اولدیغنه دلالت ایدر (بعضیلر ایتدیلر آدم شیطانک کثرت وسوسه سندن و حوانک تکلیف و اغراسندن) (ولا تقربا هذه الشجرة) نهینده اجتهاد ایدوب نهی الهی بی بر شجرة معین اوزره جل ایلدی و حالوکه مراد اول شجرة نک جنسندن منهی و ممنوع اولسی ایدی و یا خود و لا تقربا نهی نهی تحریمه جل ایتوب تزییه جل ایلدی یعنی ظن ایتدی که اول و انسب اولان کندویه اول شجرة دن اوراق اولقدر بیلدی که اول شجرة دن اوراق اولمق انک اوزرینه واجب ایدی و یا خود شویله ظن ایتدی که نهی الهی اول شجرة به یقین اولقدنر یوجسه میوه سنی اکل ایتکدن دکلدر تنکه روایت ایدر که آدم کندیسی اول شجرة به یقین وارمدی بلکه حوا واروب اول شجرة نک میوه سندن الوب آدمه کتوردی و یردی آدم دخی حوانک اندن الوب اکل ایلدی آدمک بو بایده نیجه تا ویلات و ظنونی وار ایدی اما بونا ویلار ایله معذور اولمادی زیرا ممکن ایدی که دلیل حرمتیه زیاده تأمل و تدقیق نظر ایدوب مراد الله نه اولدیغنه و قوف تحصیل ایده ایدی و چون تأمل ایتدی اول مقدار تقصیر سبی ایله مؤاخذ و معاتب اولدی (ابراهیم ادهم ایدر اورثنا تک الاکله حزنا طویلا) روایتده کتور مشلردر که حضرت موسی علیه السلام بر کیمه آدم قصه سنی فکر ایدوب ایتدی اکیهی آدم بر خطا ایلدی سن اول خطا ایله انی مؤاخذ ایدوب اول خطایی شهره

آفاق ابتدك شويلكه قيامته دك دلرده سويلنور الهني دوست دوسته بويله ايدرمي خدای
 تعالى موسايه وحی کوندردیکه (یاموسی مخالفه الحبيب على الحبيب شديدة) بو حکایه نك مثلي ابراهيم
 خليلدن دخي منقولدر صلوات الرحمن على نبينا وعليه ابوبكر واسطی دن صورديلر كنه حالتدر كه
 انبيادن برتقصير واقع اولسه عقوبتي قتي تير ايريشور نيكه بر مخالفته آدم بيغميري مؤاخذه ايتديلر
 جواب ويرديكه (سوء الادب في القرب ليس كسوء الادب في البعد) شعر (نزديكاترايش بود خيراتي
 * كيشان داند سياست سلطاني * وكذلك حق تعالى نيك عادتي انك اوزرينه جاري اولمشدر كه
 انبيا واوليادن كندى خاص قولار نيك حق تعالى قتنده قرب منزلتلى اولمغه انلردن واقع
 اولان جزئي سهو ونسيان انچون انلري مؤاخذه يورر اكر اول مقدار سهو ونسيان عوام ناسدن
 صادر اولسه معاتب اولمازلر (شعر) علامة مابين المحبين في الهوا * عتابهما في كل حق وباطل *
 لسانهما جرب وسلم هواهما * وجههما حب جري في المفاصل * ابن عباسدن رضی الله تعالى
 عنهما مرويدر كه آدم چون اول شجره دن تارل ابتدى حق تعالى اكا خطاب ايتديكه يا آدم
 نه باعث اولديكه بواجر خطيره اقدام ابتدك آدم ابتدى خداوند احوالي اغوا واضلال ايلدى
 خطاب عزت ايرشديكه يا آدم چونكه حوا نسكا بو خيانتى ابتدى اكا عقوبتلى ايليم حامله اوليه
 الا زجت ومشقتل ايله وطغور ميه الا زجت ومشقتل ايله وهر آيد انى بلاي حبيضله مبتلا قيل
 حوا چون بو حالى معلوم ايدندى ناله و فریاده باشلدى اكا ايتديلر (عليك الزنة ونلى بناتك)
 حديث صحيحده وارد اولمشدر كه بيغمير صلى الله تعالى عليه وسلم نيوردى (لولا بنوا اسرائيل
 لم يخنز اللحم لولا الحوام لم تخن اشي زوجها الدهر) يعنى اكر بنى اسرائيل اولماييدى ات قوه زدى
 و اكر حوا اولماييدى هيچ بر عورت ارينه خيانت ايتزدى (و بود دخي ابن عباسدن منقولدر كه
 حضرت آدم رب عزت خطاب ايدوب نيورديكه يا آدم آيا سزه مباح قيد يغ بونجه جنت
 نعمتلى سزه كفایت ايتديمكه واروب بونهي منع ايتديكم شجره دن يديكز آدم ابتدى
 بلى يارب عزتلك حقيچون بو خطايي ايتدم لكن سنك نام شريفك بلان عيىن اولماز كماننده ايدم
 حضرت حقدن خطاب كلديكه يا آدم عز وجلالم حقيچون سنى روى زمينه كوندريمكه
 ايدم وجه معاشكى بوليه سن الاتمام زجت ومشقتله بولاسن پس آدم چونكه زمينه ايندى
 جبرائيل كلوب اكا دمور جلاك صنعتنى تعليم ابتدى تازراعت آلاتى دوزدى وزراعت
 و خراشته و حصاد زمانته دك مزروعنى صوارمغه مأمور اولدى حصاد زمانى ايرشده كه محصولنى
 يچدى و خرمن ايدوب دانه يى صمندان آردى اند نصكره برد كرمن دوزوب اون اوكتندى
 و خيرايدوب بشرد كده بر خطيه شويله قيوب آسوده اولدقد نصكره اكل ايلدى (نقلدر كه هنوز اول
 شجره نك ميوه سى آدمك قارنده قرار ايتما مشديكه آدم و حوا مضطرب اولوب انداملرينه
 لرزه دوشدى و جنت حله لى اوزلردن دوشوب عريان قالديلر شويلكه بر لر ينك عورت
 محاربنى كورد يلر پس شرمنده او اوب قاجديلر خطاب ايرشديكه (يا آدم انفرغنى) جواب
 ويرديكه (لا بل حياء من ذنبي) ايدر كه آدم اول حالده جنت اغا جلردن هر قنغى اغا جك يانته كه
 واردى تا اول اغا جك بير اغيله كندى يى اورته اول اغا ج امتناع ايدوب آدمدن ايراغ اولدى
 عاقبت انجيرا غا جنه ايرشديلر انجيرا اغا جى بير اقلرى ايله انلري ستر ايلدى اند نصكره فرمان الهى
 ايرشديكه جنتن طشره كيدك نيكه (وقلنا اهبطوا بعضكم لبعض عدو) آيت كريمه سى
 اول حالدن خبر ويرر (جهنم علما نك اوزرينه متفقدر كه اهبطوا خطايله مخا طب اولان
 آدم و حوا و ابليس و ماردر (اما بعض علما ايتديلر طابوس دخي بو خطابنده داخلدر رز پراطوس
 دخي جنته دخوله شيطانه اعانت ايتشيدى يعنى شيطانك خبرنى ماز ايرشديزوب ماري
 شيطان قاته كتور مشيدى مارد دخي شيطاني دهانته الوب جنته كوتور مشيدى پس آدم
 زمين هنده سرنديب ديدكلرى طاغ و بعضيلر قتنده تور نام بر طاعه تازل اولدى

وحواء جده به وابلوس بصره قریبند. ابله نام موضعه وماراضفهان وطاوس مهبانه دوشدی
و بعضی ایتدیلر شیطان مهبانه و طاوس کابل زمینه دوشدی و محفلرک قوی بودر که بونلرده
آدمدن غیر بسنک تعیین موضع نزول صحنه ایرامشدر و بنی آدم له ابلوس مینانده و مار ایله بنی
آدم مینانده روز قیامتہ دك عداوت باقی قالدی (ابن عباس ایدر آدمك جنتہ طور صسی
جنت کونلردن وقت عصر دن غروب آفتابه دك ایدی و بعضی ایتدیلر آدم جنتہ یارم کون
طوردی لکن اول جهانك یارم کونی بو جهانك بشوز یلی مقدار نجه در یو ایکی قولدن قول
اول اصح اولدیغه احادیث صحیح دلالت ایدر والله اعلم (ابن عباس ایدر آدم و حوا نعم جنتی
فوت ایدوب الدن چیقارد قلرینه ایکیوز ییل اغلا دیلر و قرق کون طعام بمبوب صو ایچم دیلر
ویوز ییل آدم حوا به یقینلق ایتدی (شهر بن خوشب ایتدی بزه ثقاندن بویله نقل اولندیکه
چون آدم زمینه ایتدی اوچبوز ییل باشی اشاغه صالوب یوقاری باقدی ر بندن حیای ایتدیکندن
اندنصکره جناب حق طرفندن بعض کلمات سو یلکه ملهم اولدی و اول کلمات توبه سی قبولنه
سبب اولدی تنکیم (فتلی آدم من ربه کلمات فتاب علیه) آیت کریمه سی بومعاندن خبر و یر
مفسرل اختلاف ایتدیلر که اول کلمات نه مقوله کلمات ایدی بعضی ایتدی بو کلمات ایدی
(ربنا ظلمنا انفسنا و ان لم تغفر لنا و رحمتنا لنکونن من الخاسرین) و بعضی ایتدی بو کلمات ایدی
(لا اله الا انت سبحانک و بحمدک رب عملت سوء و ظلمت نفسی فاغفر لی رب علی - انت انت التواب
الرحیم لا اله الا انت سبحانک و بحمدک عملت سوء و ظلمت نفسی فاغفر لی انت الغفور الرحیم
لا اله الا انت سبحانک و بحمدک رب عملت سوء و ظلمت نفسی فارحمتنی انت ارحم الراحمین) علی
مرتضی کرم الله وجهه بیوردیکه هر کیم بو کلماتی اوقویه انک کماهی مغفور اوله اگر چه کثرت
و وفرتنه دریا کنی و عاج بادیه سنک قومی کی اولور سه دخی (جعفر صادق رضی الله تعالی عنه
ایتدی آدمک الهام اولدیغی کلمات بو ایدی الهی فریفته و مغفور اولمادم بن الاسنک جائیکدن
اولدم (عید بن عمر ایتدی اول کلمات بو ایدی الهی اول خطا که یندن صادر اولدی انی کندی
قامدن ابتداع و اختراعی ایتدم یو خسه ازل آزالده سن انی بنم اوزریمه تقدیریمی ایتشیدک
جناب حقندن خطاب کلدیکه سنی بر اتمزدن مقدم سنک اوزریمه تقدیر ایتشیدم آدم ایتدی الهی
بنم اوزریمه اول خطابی نیجه تقدیر ایتدک ایسه اوله یارلغه (خواجه عبدالله انصاری قدس
سره ایتدی الهی ایت دیدک یننه سن ایتدرمدک و ایتد دیدک یننه سن ایتدردک الهی اگر چه
ابلوس جنتده آدمی اغوا ایدوب بغدای یدردی یا اول بغدای ازل آزالده اکا کیم نصب
ایتدی (و بعضی ایتدیلر آدمک توبه سی قبول اولمغه اوج نسته سبب اولدیکه بونلردن حینا
ودعا و بکا و مفسرلردن بر جیع ایتدیلر آدمک توبه سی قبولنه سبب بزم پیغمبریمزه صلی الله
تعالی علیه و سلم توسل و تشفع ایتدیکی ایدی شه که مقدمه کلبده ذکر اولندیکه تلقی کلماندن
مراد اول سروره توسلدر دیمش ایدی (عایشه صدیقہ رضی الله تعالی عنہا دن منقولدر که ایتدی
حق تعالی چون آدمک توبه سنی قبول ایتدک دیلدی پس آدمه الهام ایتدیکه یدی کره خانه
کعبه بی طواف ایلدی و اندنصکره ایکی رکعت نماز قیادی اندنصکره بودعا بی اوقودی
(اللهم انت تعلم سری و علانیتی فاقبل معذرتی و تعلم حاجتی فاعطنی سؤلی و تعلم ما فی نفسی فاغفر لی
ذنوبی اللهم انی اسئلك ایمانا ثابتا یبشر قلبی و یقینا صادقا حتی اعلم انه لا یصیبنی الا ما کتبت لی
و ارضنی بما قسمت لی یا ذا الجلال و الاکرام) (نقلدر که چون آدم بو کلماتی تمام ایتدی حق تعالی اکا
و حی کوندر دیکه یا آدم سنی یارلغه دم و سنک اوغلنلر کدن بو منوال اوزره تضرع و نیاز ایدنلری
دخی یارلغارم و دنیوی و اخروی مقصودلری و یرم) (روایتده کتورمشلردر که نوع انساندن ابتداع
سو یلین آدم ایدی جنتدن چیقوب زمینه ایتوب جنت میوه لرندن محروم اولوب و تحصیل
معاش مشقتی ایله مبتلا اولدوده بو مثلی سو یلدی (من بطع المرأة لایأ کل الثمرة) یعنی قاری

سوزینه اویوب قارینک امرینه اطاعت ایدن کیمسه درخت امبدن میوه مرادیمز و ابتدا شعر
 سوبلین آدم ایدی قایل هایل قتل ابتدا کده مرثیه سنده پرفاج بیت سوبلین اول ایاندن
 بودت بیت (شعر) تغیرت البلاد ومن علیها * ووجه الارض تغیر قبح * تغیر کل ذی طعم
 ولون * وقل بشاشة الوجه الملح * فوا اسفا علی هایل ابی * قتلا قد نضمنه الضریح *
 * وجاورنا عد ولبس یفنی * لعین لا یموت فنستریح * امام محبی السنه رجه الله تعالی
 تفسیر معالم التنزیله وابن اثیر کتاب زین اتوار یخده وزین القصص صاحبی وسائر زری بوشهری
 آم علیه السلام اولی اوزره نقل ایلدیلر لکن صاحب کشاف ابتدی بوشهری آدمه اسناد ایتک
 کذب محضد زری بوشهری ملخوند یعنی عیبی متضمند زری او قل بشاشة الوجه الملح مصرعنده
 واقع اولان قل فعلتک فاعلی بشاشت کله سی اولور سه بشاشت وجه لفظنه مضاف و ملح
 وجهک صفی اولوب مجرور اولغله معیوب قافیه دن اقوی عیبی اله معیوب اولوش اولور واکروجه
 لفظی قلنک فاعلی اولوب بشاشة لفظی تمیز اولی اوزره منصوب ومنون اولور سه محافظه وزن
 شعر ایچون تمیز تنوینی خلاف قیاس حذف اولغلو اولور پس بهر تقدیر چه عیب ولندن
 خالی اولماز امام فخر الدین رازی رجه الله تعالی علیه تفسیر کیرنده صدق صاحب الکشاف دیو
 بیوردی و امام محبی السنه معالم التنزیله شعر مذکور ی ایراد ایدوب آدمه اسناد ابتدا کد نصکره
 ابن عباسدن نقل ایدوب ابتدی هر کیمکه آدم شعر سوبلیدی دیر سه علی التحقیق کذب اتمش
 اولور زری شعر سوبلکدن منهی اولمقده جیع یغمیرل مساویدر لر و لکن چون قایل هایل قتل
 ایلدی آدم لسان سریانی اله نثر طریق اوزره مرثیه سوبلویوب شبنه وصبت ایتدیکه اول کلامی
 حفظ ایده و خلایفه ابلاغ واعلام قبله تا اول کلام متوارث ومعدا اولوب خلق انی استماعله
 رقت ایده لر پس اولاد آدم وصبت مذکور ه موجبه اول کلامی قرنا بعد قرن نقل ایلدیلر
 تا عرب بن خطانه ایرشدی ابن خطان سریانی و عربی لغتینک ایکسبله دخی تکلم ایدردی
 و شعر دخی سوبلردی پس اول مرثیه بی عربی لسانله یعرب بن خطان نظمه کتوروب ائک
 اوزرینه نیجه ایات دخی زیاده ایلدی والله اعلم (ثبوت ایرشمدن که آدم یغمیر زمانده
 خلق عالم قایلدن وقابلک اتباعندن غیر یسی جله برملت اوزره ایلدیلر و جله خدا پرست وموحد
 و آدمک دیننه متمسک ایلدیلر شومر تبه ده که ملائکه کلوب خلقله مصافحه ایدر لدی ناشول زمانه دککه
 ادریس علیه الصلوه والسلام آسمانه رفع اولندی اندنصرکه خلق عالم میساننده اختلاف پیدا
 اولدی (آدمک عمری طغوز یوز اتمش ییل ایدی و برروایتده ییل ایدی ایدر که آدم اون برکون
 خسته اولدی و مرض موتی ایامنده شبنی وصی ایلدی ابی بن کعبدن مرویدر که ابتدی رسول
 الله صلی الله تعالی علیه وسلم بیوردیکه چون آدم مختضر اولدی حق تعالی ملائکه یدیه آدمه
 کفن وبوی خوش کیندردی چون حواء آدمک فائنده اول ملکری کوردی دلدیکه آدمک
 فائنه واره آدم انی دخولدن منع ایدوب یا حواء بی پروردگارمک رسوللریله کندی حالیه فوکه
 ایرشدیکیم بلالره ایرشدم لاسنک سبکله ایرشدم و بکایر یشن بلال ایرشمدی لاسنک جابکیدن
 ایرشدی چون آدم وفات ایلدی ملکرتجهیز و تکفین وغسلنه مشغول اولدیلر و آدمک اوغللرینه
 کوستر دیلر که بی آدم وفات ابتدا کده بومنوال اوزره تجهیز و تکفین وغسل اولنق کر کردر
 اندنصرکه جبرائیل علیه السلام ائک اوزرینه نماز قیلدی وسائر ملائکه و آدم اوغللری جبرائیل
 عقبنده ائک نماز بی قیلدیلر (و برروایت دخی اولدر که شبت جبرائیل نماز بی قیلو یردیو تکلیف
 ایلدی جبرائیل دخی شبنه تکلیف ایدوب ایلری طور یدرکک نماز بی قیلیدی پس آدمک قیرینه
 لحد ایدوب دفن ایلدیلر و ملائکه بومنوال اوزره دفن اولنق اولاد آدمه سنت اولدی دیلر
 و ایدر که آدمی ابوقیس طاغنده دفن ایلدیلر غار الکثر نام زمزمعه و طوفان نوح زمانته دک
 آدمک قبری اول موضعده ایدی چون وقت طوفان ایرشدی نوح علیه السلام آدمی قیرندن

چهاروب تابوته قویوب کندیله سفینه به ادخال ایلدی چون طوفان تمام اولدی نوح آدمی
ینه همان اول موضع دفن ایلدی (و بر روایتده بیت المقدسده دفن ایلدی و آدمک و قاتی مکده
جمعه کونی واقع اولدی حوا دخی آدمدن بریل صکره وفات ایلدی انی دخی آدمک بهلوسنده
دفن ایتدیلر و ایدرلر که آدم زماندن بزم پیغمبریمزک صلی الله تعالی علیه وسلم بعثتی زمانه دک
بش یک سکر بوزیل و بر روایتده الی یک طقوز یوزالی بیل کچمش ایدی بونلردن زیاده و نقصان
دخی روایت اولدی (و ایتدیلر که آدم کندی اولاد واحفادن قرق یک کشی کورنجیه دک وفات
ایتدی و انک صلی قرق اولادی اولدی بکره بسی رجال و بکره بسی نسا و بر قوله اون طقوزی
نسا ایدی (فائده) مورخر اراسته مشهور اولان اولدر که آدم زمینه ایندکده قدینک
اوزونلغی بر مرتبه ده ایدیکه انک باشی آسمانه قریب اولمشیدی شویلهکه برطاغ اوزرینه چیمسه
آسمانده ملائکه نک تسبیحلی آوازینی ایشیدردی حق تعالی انک قامتینی کوجلدی تا التمش کره
ایلدی لکن یوسوز حدیث شریفک ظاهرینه مخالفدر ابوهریره رضی الله تعالی عنه پیغمبردن
صلی الله تعالی علیه وسلم روایت ایتشد که (خلق الله آدم علی صورته و طوله ستون ذراعا)
یعنی حق تعالی آدمی کندی صورتی اوزره برآندی و حال بوکه قامتک اوزونلغی التمش کر ایدی
بو حدیثدن معلوم اولور که آدم خلق اولندقدن انک طولی التمش ذراع اوله و شراح حدیث اختلاف
ایتدیلر که ذراعدن مراد ذراع آدمیدر یوخسه حالابین الناس متعارف اولان ذراعیدر قول
اولی ترجیح ایتدیلر (اما شبت علیه السلام آدمک و صبسی ایدی و خلقک ریاستی آدمدنصکره
اکا منتقل اولدی ایدرلر که آدمه وفات ایریشوب شبتی ولی عهد فیلدقدن کیجه و کوندزک
ساعتلرینی شبتیه بیلدردی و هر ساعتده هر مخلوق نه عبادت ایدر تعلیم ایلدی و طوفان قصه سندن
شبتیه خبر و یردی و امر ایتدیکه کندی علمنی قایل اولادندن ستر و اخفا ایلله تا اکا حمده ایدوب
زبان ایرشدرمه لر (ایدرلر که حق تعالی شبتیه الی صحیفه کوندردی و محمد جریرکه اکابر مورخیندندر
دیمشدر که بوکون دنیاده موجود اولان بنی آدمک نسبی شبتیه منتهی اولور زیر ایام طوفان
نوحده شبتیدن ماعدا اولاد آدمک نسلاری منقطع اولوب انجق شبتک نسلی باقی قالمشدر ابن
قتیه معارف نام کاتبده کتورمشدر که شبت اولاد آدمک افضل و اجل و احسنی ایدی و آدم
اکا سائر اولادندن زیاده میل و محبت ایدردی و شبتک سائر قردنلاشلردن زیاده باباسی آدمه
مشابهتی و ارآیدی (ایدرلر که شبتک ولادتق هایل قتل اولندقدن بش ییل صکره واقع المشدر
و دنیادن رحلت ایتدکده طقوز یوزاون ایکی باشنده ایدی و انی ابوقیس طاغنده پدر و مادرینک
بهلوسنده دفن ایلدیلر و شبتک و صبسی ایله وفاتندنصکره ریاست خلق اوغلی انوشه منتقل اولدی
(و اما ادریس علیه الصلاه والسلام پدرینک اسمی بردو بر قوله بردو بر قوله یاردا ایدی و اتاسنک
اسمی اشوت ایدی ایدرلر که دریس نوحک باباسنک جدی ایدی و ادریسک اسمی خنوخ یاخنوخدر
و جهورک اتفاقی انک اوزرینه درکه کرک ادریس و کرک اخنوخ اسماء عجمیه دندر (و بعضیلر
ایتدیلر ادریس عربیدر (و انما اسمی ادریس اکثره دراسته الصحف) و دینلدیکه قول اول اصمدر زیر
ابوذر غفاری رضی الله تعالی عنه انبیا انک حالی حضرت پیغمبردن صلی الله تعالی علیه وسلم
سؤال ایتدکده اول حضرت نام ادریس سربانی اولتی اوزره معلوم اولمشدر دیو پیوردی اما
بو حدیث لفظ ادریسک عجمی اولسنه صریحا دلالت ایلر زیر ادریسک ایکی نامی اولدیغی
ثابت اولمشدر بری ادریس و بری اخنوخ پس ممکندر که ادریس عربی اوله اخنوخ عجمی
اوله لکن بوکله نک کلام عربده لاینصرف بولدیغی عجمی اولدیغنه دلالت ایدر زیر علمیتدن
و عجمه دن غیر ائده منع صرفنه وؤدی اوله جق برعلت دخی یوقدر مکر عدل تقدیری تقدیرینه
قائل اولنه والله اعلم (ایدرلر که انک ولادتق آدمک وفاتندن بش یوزیل مقدم واقع اولدی و بر قول
دخی اولدر که آدم وفات ایتدکده ادریس اوچ یوز التمش باشنده ایدی و جهور انک اوزرینه